

秀神清邁九華時當春雪霽盈眼白朱砂

登蓬萊閣

一上蓬萊閣虛心瞪目遙雲移山自長水到海還消俯視蛟龍窟傍觀鳥鵲橋何憂遠輕舉咫尺近丹霄

望海

海色吞天色風聲雜水聲雲翻魚鼈駭雷動鬼神驚射激千巖險汪洋萬里平時無釣鼈手擲糖引長鯨

山堂雨霽

曉日三竿麗千山一望平高吟神愈暢遠眺目增明雨後簷前潤風來座上清心非同道者不使過門行

道藏輯要

礪溪集

巽

又胃集三

夜深對月

二首

耿耿中宵月無人獨自行下連滄海白高滿太虛清奮跡離三島游空照萬城城中多少客睡重不能驚

耿耿中宵月無人獨自明天邊維斗暗地上百邪驚野鶴依稀辨羣龍天矯鳴尋常三五夜未有一般清

初冬括馬值雨

十月滂沱雨三更洶湧聲浮雲連海嶠激水灌山城野暗風波急泥深道路傾行人兼走馬一夜到天明

初雪

行看十月盡偶見六花飛散漫迴風急續紛入夜微山川淡屏